

續修四庫全書

列朝詩集

二

〔清〕

錢謙益輯

據清順治九年毛氏汲古閣刻本影印原書版框高二〇四毫米寬二六六毫米

列朝詩集 甲集第十八

唐應奉肅 九首

謝金事肅 五首

唐開封敏 三首

藍金事智 四十首

林登州弼 十四首

張布政紳 八首

練通判高 三首

楊博士嗣 四首

吳蘇州植 三首

徐博士穎 六首

吳副使彤 四首

戈徵士錦 九首

呂司丞復 二首

陶員外諒 二首

蕭學錄執 三首

王敬中 二首

去疾 一首

周子諒 二首

程洪都國儒 二首

以上皇明雅頌 一十九人

甘瑾 四十首

張嘉定率 四首

揭清河軌 一十六首

周經歷啟 二首

劉崇明秩 五首

元宣 二首

危進 三首

吳世忠 三首

朱弘祖 二首

徐守約 二首

聶舍人同文 二首

高伯恂 一首

以上光岳英華三體詩 一十二人

汪德 一首

吳至簿城 五首

朱判官模 二首

唐山長仲實 三首

任萬戶原 三首

馬知事實 二首

谷宏 二首

吳浩 一首

章閻 一首

時金事銘 一首

以上五見各選十人

唐應奉肅

蕭宇處敬會稽人九歲入郡庠至正己亥中江浙鄉試授黃岡書院山長

乙巳轉嘉興儒學正丙午內附以故官例至京選入誥局例移淡邑修禮

樂書提應奉翰林文字兼國史院編修官以疾失朝罷歸里謫伯濠之驪

相山歲餘卒子之淳西骨嶠葬于赤土山

送陶元庸

有酒浼趙州無酒酌鸚鵡不逢平原君何須識黃祖殺姬謝覽士茲事付

塵土誰能愛文章甘受嫂罵侮丈夫氣蓋世身爲知己許蒼茫風塵際因

下慨今古臨岐舞銅劍霜集陵平楚去矣江國遙相思隔津談

和牛士良

咽咽銅蛇水瀾瀾青嶺風披斜觀斗轉簾疎望月空出門步清影循階行

露叢曉此光霽景感予微眇躬觀國豈非願懷親方許仲

題張孟兼所注謝翱西臺慟哭記後相謝翱墓草羽哭之於子陵翁

金華張孟兼所注謝翱西臺慟哭記後相謝翱墓草羽哭之於子陵翁

宮中六更初罷鼓藍田璽玉沈沈浦廬陵忠肝一斗血去作燕然山下土

桐江水落秋初日頗有客歌上巖光臺石根敲斷鐵如意萬里北現招不來

西風又凋瀼河水故老寥寥知者幾珍重睢陽季葉孫箋簡能裨兩朝史

智伯頭飲器歌

飲伯頭些伯鬼伯成寧知頭作器玉盤酒滴猩紅血波倒浸泥丸宮雷

吼無聲電睛壓伏犀骨新漆花膩老龍一吸銀海澨飲關擲怒髮立英

魂夜半不敢泣君不見君漆頭臣漆身恨君藍臺爭諫臣

秋江曲

妾家住銀塘石楠秋葉香憶君蕩漿去江水與愁長西風夜泣蒹花露鴨

霜岸低人不度冷莎如鍼刺烟素鴛鴦飛來鷓鴣去

宿真慶菴得心字

落日古城陰蕭蕭竹樹深雨花知佛境流水識禪心月到翻經楊苔綠掛

壁琴不因支許舊那得遂幽尋

中秋和龍子高

白白初懸月青青不盡天乍經銀漢外又滿碧窗前鍾阜思歸夜淮城坐

譚年曾揮兩行淚愁對一輪圓

劉松年山居圖

曾逐大茅君峯頭臥古雲鳥青呼作使鶴白養成羣客較丹砂法童窺玉

券文近來烟火斷花氣作鍾重

錢塘書事此詩爲楊完哲而作

鬼馬蕭蕭踏暮雲花奴啼殺故將軍雕弓不反腰間鞬玉貌空啼馬上裙

報國有心徒耿耿 馭兵無律竟紛紛 西太尉非華胄誰誤麒麟石上文

謝金事肅

肅字原功上虞人少與唐肅齊名於時稱會稽二肅博學負氣坐論海內
事若囊之出物無所不有至正末宣城貢師泰以戶部尚書漕粟閩海原
功執經海上日相辯論至於赤面汗背而後已師泰深器重之張氏據平
江慨然欲見宰相獻偃兵息民之策又欲薦名有司入對大廷一吐胸中
之奇以圖國家大利師泰為文送之欲其察時變慎出處不可降志辱身
以就富貴且引伊尹太公不輕自用與夫操憑齊門以誠勉之而卒無所
遇師泰歿於海寧之寓舍原功經其喪內附後歸隱于越洪武十九年舉明
經歷官福建按察司僉事風裁凜然與按察使陶岳仲劾奏布政使薛大昉不
職實於法出按漳泉有虎患移文境內之神即日遁去生事被逮太祖御文
華殿親鞫肅大呼曰文華非拷掠之地陛下非問刑之官請下法司乃下獄獄
吏以布囊壓死有密庵集十卷

列朝詩集甲十人

次莒州望即里感樂毅旧單作

單車背高密一昔次城陽城陽故莒國俛仰懷興亡莒國固微弱與魯常
爭強城陽雖偏小在漢亦封王奈何保齊澤見秋魂悲涼焉知即墨捷長
驅還舊疆望諸敵燕慷慨師律豈不滅安平為宗社出奇誠莫當威能忠所
事功立名且揚肯予好漢畫撫劍游四方時命顛弗偶甘心唯括囊茲焉
吊陳跡山川鬱蒼蒼往者不可企詠言徒慨慷

長平

引帆方上牛參旗正南舉行行壠路明忽在長平聚脚躡念衰韓不得守
茲土嫁禍於趙國移師與秦拒趙卒一以坑秦兵肆攻取借哉廉將軍制
敵中見沮遂令銳頭兒殘暴踰猛虎善戰服上刑賜劍非弱主谷爾頭顱
山委命復何語

馬陵行

客行忽不樂停車馬陵間上有悲風古樹之蕭瑟下有哀壑流水之潺湲
陰深壤道餘古雪嶺巖兩壁堆積鐵石面若封勁箭痕痕頭露滴將軍血
青焚燐火黃昏明呼號木魅啼山精應羞別頭償衛足此氣千枝真難平

西流沂水東滄海勝敗孫龍門安在為提寶劍舞尊前落日雲霞射光彩
自注云馬陵本在滄之野城今此在沂海二州之交土人以爲孫龍角勝
之地也

長安垣

海寧州西來往頻長安垣上風飈春東風桃李非無主歸燕樓臺不見人
天末雲帆隨望遠雨餘芳艸喚愁新故鄉門巷千戈底起客相逢話是真

韓信城

淮流浩蕩楚原平嘆息英雄不再生天日可明端漢志風雲猶似下齊兵
千年城郭名空在百戰山河姓幾更還解將軍一杯酒黃鸝碧柳不勝情

唐開封敘

數字希孟崑山人知開封府

禁直三首

武樓高迥接迴廊繡安盤龍護御床得侍至尊論治道祥風散暑水沉香
天門旭日炫新晴鳳輦龍香初墨清親見君王書柳字蛟龍吹雨雜風聲
金輿曉駐武英傍孔雀屏開御褥香今代漢州最多士賜題吟得進君王
監金事智

列朝詩集甲十人

智字明之之弟元末棄去科舉學與其兄師杜清碧倡和為詩國初應時
薦授廣西按察司僉事輻彥易號藍氏昆季詩云桂林持節還高風振林
谷張樂序藍澗詩則云客死他鄉不永年君與二藍同時當以其詩為信

尊宿田家作

水落天正寒山空日將暮荒林倦鳥啼亂水行人渡窮年帶艸莽短褐被
霜露晚宿依田家主人情亦故汲水泉滿澗燒竹烟在戶鐘殘溪上村月
照階前樹濁酒初澄醅嘉蔬亦時具且慰飢渴懷況請村野趣老翁八十
餘有子歿征戌稅稻歲莫收官司日加賦我願息兵戈後宇重農務愧乏
經濟材徒然守章句

風雨不已川流渺漫感事叙懷東我同志

雲雷中夜與風雨達清旦開門山木昏隱几波瀾亂鵲鶴下空庭蛟螭上
高岸舟航遠樹杪石壁中流半黍豆或漂流蓬蒿乃滋蔓北風不掃陰南
海盡瀾漫遙知兵戈氣鬱結久不散坤軸恐欲傾陽鳥失光燦燦時轉淒
涼涉世正憂患微躬愧鳥雀何由塞天漢
雨中東王幼度

客子清晨卧江閣老樹閉門風雨惡漁舟滿眼亂波濤殺氣冥冥塞寥廓
地爐火冷席無氈短衣百結雙履穿寒食清明不歸去故山松柏空雲煙
先生適自江東至行李兼旬共留滯登樓王粲謾多才獻策劉黃甘下第
三載聊爾據臯比一鶚未負風雲期青春白日麟鳳遠長林豐沛豺狼飢
十年烽火暗南極戎馬紛紛未休息朝廷舊困州萊鄉里兒童誇奮力
我今旅食向孤城君亦胡為念遠行人只在意氣合世亂未覺文章輕
野人豈知天下事杜宇啼花滿地狂如賈誼惟痛哭貧似揚雄空識字
昨夜封書與雁歸妻孥應怪苦回遲丈夫磊落志千載一日窮途何足悲
亦壁

長江西來雨如霧赤壁蒼蒼風雨暮艸木猶疑橫梁時塵沙尚憶焚舟處
烏林渡口下舳艫曹瞞已料無全吳陣前曲部奔先主眼中談笑輕周瑜
君臣謀合士賈勇玉帳旌旗亦飛動樓櫓晴窗煙炮高魚龍白日波濤
荆門半落駐殘兵野曠不聞鼙鼓聲戰骨秋埋湖外州捷書夜報石頭城
雄圖霸氣兩消歇地老天荒秋一葉石上殘碑過客題沙中古劍漁人得
漢王祠枕碧山隅諸葛臺荒野鳥呼千年忠義出師表萬里江山八陣圖

列朝詩集甲十八

宿橋山田家懷蔣先生
蒼峰落日微白鶴秋風遠客路入疎鍾田家背山阪孤煙系柵寒埽烏茆
焚晚欲覓紫芝翁山深白雲滿

暮崙山中

暮崙山已昏濯足月在澗衙門樓鵲定暗樹流螢亂妻孥候我至明燈共
蔬飯竹立松桂涼疎星隔河漢

秋日遊石堂奉呈盧僉憲

荒郊通逕僻野竹開門深白日義皇世青山綺皓心港蛟多在整宿鳥獨
歸林知爾荷鋤倦時為梁甫吟

秋夕懷張山人

鼓角邊聲壯林塘夜色幽涼風動疎竹明月在高樓久客形容老孤城戰
伐然不眠懷魏關長嘯拂吳鉤

雨中同孟原食憲登嘉魚亭

高閣流鶯外荒城駐馬前江寒三月雨春老百蠻天折柳悲橫笛飛花落
釣船乾坤總屬旅把酒意茫然

時事

太府城墮廢疲民井邑空舞干非舜日斬木有秦風烽火蒼茫外江山感
慨中悲歌看古劍激烈想英雄

夜宿釣臺

水宿傍嚴灘風燈語夜闌暈鳴潮信早龍過雨聲寒病喜江山好貧嗟道
路難何當脫塵鞅來此抱漁竿

徐雲舟為畫藍洞神堂圖

碧州連書屋蒼山對面圖鶴巢秋樹小漁艇夕陽孤野色晴初遠溪雲淡
欲無浮橙倚盤石把釣任潛夫

經石堂追懷盧使君

舊隱仙人館曾陪使者車那知滄海別不返白雲居山雨荒樵徑窗塵汗
道書傷心庭外竹清影漫扶疎

兵後崙西山

亂後崙茅屋晨興步石田客愁空日日春色自年年風雨啼鸞外江湖去
鳥前艱難思故舊回首意茫然

列朝詩集甲十八

六

藍洞神堂

橋井雲山北茅齋澗水西聽猿秋樹近捫風夕陽低樵子知愚谷田翁伴
醉泥典來時得句自向竹間題

聞藍山兄寓滁洲

番水初傳信滁山想定居秋吟兼蟋蟀晚飯得鱸魚落月滄江闊涼風白
髮疎兵戈關塞隔不敢問何如

登鳳林寺鐘樓作

樓憑青嶺迤人到上方稀古寺愁春雨疎鐘送落暉雲林孤跡遠法界一
塵微坐久松風動飛花落客衣

山中漫題

讀書期有用閉戶耻無能落葉空山雨疎鐘獨夜燈人稱樗里子住近石
門僧靜坐觀詩妙須參最上乘

順昌道中

聲食鳴雞曉空山啼鳥春遠鍾何處寺殘月獨行人書劍嗟費髮江湖起
戰塵南遊未得意北望正傷神

雪中送舒文質歸廣信

積雪千峰迥空林一鳥歸客愁南浦樹鄉夢北山薇風雨荒郭屋兵戈老
布衣飢寒兼盜賊出處寸心違

寄雲松先生隱居

風雨論文舊林塘上築新幽棲兼令弟高卧愧時人竹日明書帙浮雲惹
釣緇林居無俗客麋鹿自相親

懷川晚立

清川繞縣衙小立共江沙曉色催歸鳥暮愁對落花江湖頻戀關風雨更
思家出處成何事惟添兩鬢華

柳城道中作

霜氣晚凄凄荒岡恐路迷孤雲桂嶺北落日柳城西地暖蛇虫出林昏鳥
雀棲巖鄉經戰伐問俗愧遺黎

禾石舟中寄子正金憲

共醉黃蘗酒還登禾石舟澄江晴吐月獨樹曉生秋去國一身遠懷鄉半
夜愁明朝陪使節一上岳陽樓

寒城縣

十室黃茆邑千峰紅葉村喧卑變俗異質朴古風存雞犬連徭洞牛羊到
縣門殘年歷荒微通布聖明恩

晚立懷友

野曠行人絕林空墜葉聞客愁當落日詩思人寒雲艸暗防蛇毒山昏過
虎羣梅花萬里道歲晚正思君

過雲洞嶺

路出千林迥山連五嶺遙石崖懸度棧野樹臥通橋澗飲猶防蠱禽耕盡
鴈徭夕陽驅瘦馬髮影漫蕭蕭

溪橋晚立

天濶浮雲盡山昏落日微鳥棲當野樹人語共柴扉歲月且云暮鄉閭何
處歸歸家響機杵遠客歎無衣

夜雨

多病西風客空室獨夜愁燈殘江上雨木落嶺南秋黃卷知何用丹砂不
易求君思無補報悵望惜淹留

贈隱者

風雲蛇陣將山水鹿門居報國曾留劔歸田始讀書雁秋湖水落蟬露柳
條疎別夢開山遠小窗夜月虛

雨中

黯黯雲垂野瀟瀟雨滿林晚山歸鳥盡秋艸開門深落葉蕭條樹空城斷
續砧碩登兼獨立誰識此時心

晚登江上

官船催曉發消鳥聞驚飛殘月低清渚疎鐘隔翠微晨光初辨樹秋色已
生衣萬里慚張翰鱸魚未得歸

柳城縣

青山入縣庭小邑但荒城竹覆茆茨冷江涵石壁清艸虫當戶墜水鳥上
階行問俗知無事松風一舸輕

出雲藤驛

又出雲藤峽扁舟更向東地蒸秋有瘴江闊夜多風旅夢驚啼狹鄉心託
斷鴻天涯看月色不與故園同

宿陽朔山寺

晚景孤村僻松門試一登秋山黃葉雨古寺白頭僧壞壁穿新竹空牀覆
舊藤官情與禪意寂寞共寒燈

來賓縣曉發

宦遊同道旅侵曉逐征途空館殘燈小長江落日孤隣難催去馬城拆起
棲鳥物色兼人事勿勿歲欲徂

江上別故人

天涯芳艸色對酒惜餘春此日滄江別東風白髮新落花晴傍馬殘鳥冷
窺人勉矣持風紀驅車莫厭頻

宿開建江上懷閩中故人

東風嫋嫋泛鴈波倚棹汀洲近遙蘿江上流鶯疎雨歇天涯芳艸落花多
暮雲尚隔蒼梧野秋興空懷白苧歌離別不堪頻悵望美人南國意如何

秋夕懷王長文

月落秋山夜正中飛雲寥落每天空攬衣誰念聞難舞技劔終期汗馬功
河漢星辰連北斗兼葭露滿西風憂時王粲頭如雪却憶登樓賦最工

答蕭子仁

每憶詩篇共討論更煩書札致殷勤西風一夜蕭蕭雨落日三山渺渺雲
碧海魚龍秋止蟄空江鴻鴈夜多聞
蕭寂寒黃花晚欲采香遠寄君

林登州

弼字元凱龍溪人初名唐臣以國禁改名元末領江潮鄉薦授建寧考亭
書院院長長提漳州路知事戊申內附以儒士登春官修禮樂書除禮部主
事使安南邦其饋千金還豐城令坐事繫詔獄上特原之戊辰安南亂
起再使還提禮部主事知登州府卒于官王律臨漳雜詩云科名唐進士
道學宋先儒風流今孰繼林子亦其徒注云林子元凱也

題錢氏鐵券卷

洪武二年奉旨徵至謹身殿觀之
剛風吹地九土裂仙李根拔孫枝折白馬不飲濁河血羅平妖鳥啼未歇
有頭牛萬丈騰紫光炯炯餘彩輝太陽錦湖泄筆寫露布石室剖券
分天章金爲臣心鐵臣節臣身吳越心魏關共悲群盜竊神器猶喜諸孫
存故物黃金樓閣倚天寶氣白日浮雲燭電光忽開天爲笑摩挲銅狄千百

別朝詩集甲十八

九

平君看錢塘鐵作箭潮頭東去江如練箭鐵未銷券未磨帶礪河山當復見

答牛士良典簿

海國秋風客髮華蓬來共駕指南車越裳方物供周室趙尉提封入漢家
裘馬清狂成舊夢斗牛空闊接仙槎扁舟準擬同歸去明月洲前蘆荻花

用貢泰甫尚書韻贈別吳君濟豫史

東風蒲柳滿江津孟酒離亭暫別君春事又隨紅紫老人生每似燕鴻分
榕亭雨過聞鶯語奈海天青見鶴群東府仙人應握手三神高處望紅雲

題秦皇廟

往事悠悠逐海波荒祠寂寂寄巖阿三神山下仙舟遠萬里城邊戰骨多
東魯尚存周禮樂西秦空壯漢山河早知一世能移作崖石書功不用磨

龍州

龍州入夏多風雨山路無時一尺泥今日開門喜晴霽洞雲片片度前溪
山蕉木奈野葡萄佛指香圓人面桃更有波羅維甜似蜜米盤初薦尺餘高
州閣崇甍倚竹開洞官留客意徘徊盤遊燕燕携般至甕貯筠籠送酒來
峒丁峒婦皆高髻白紵裁衫青布裙客至此門共深揖一時男女竟誰分

千山萬山皆戴石十日九日長出雲水風夜啼人不見峽猿暮肅客偏聞
近水刺桐知驛舍倚山毛竹即人家越虛野婦沽甜酒候客溪童進辣茶
架巖盤壁作巢居隱約晴雲碧樹疎水楓枝橫檻似禾園箇箇小亭如
白沙青石小溪清魚入疎罾艇子輕漫說荒風景異此時真似剡中行
林塘幽窈隔桑村風燈崎嶇接石門雨過才忘忘赤日雲深望柱易黃昏
龍州溪洞極南邊鷄犬桑麻自二天流水桃花今有路何須更覓武陵仙

張布政紳

紳字仲紳一字士行濟南人有才略不瑣瑣于世事慷慨激烈詞辯縱橫
終日壺壺不休能篆書詩文不經意而自成一家蓋北方豪傑之士也爲
本朝浙江布政而沒

題畫二首

高樹崩疎雨瀝下銀塘美人捲簾坐銀鴨自添香風吹綠荷葉正見宿鴛鴦
開門綠樹老池芳草生偶隨蝴蝶起獨自下階行何處垂楊院春風驕馬鳴

湖中觀月

銀波千頃照神州此夕人間別是秋地與樓臺相上下天隨星斗共沉浮
一塵不向空中住萬象都於物外求醉吸清華遊碧落更於何處覓瀛洲

送勤上人歸靈鷲山

靈鷲禪房我所思可堪春晚送勤師亂山啼鳥烟霞裏一路落花風雨時
定有猿看應外果應知苦護壁間詩門前有逕通三竺欲向中天採石芝

題江岫圖

鳥衣巷裏東風老蝴蝶飛來滿芳草美人春夢隔天涯十二巫山香不掃
巫山巫峽江水新烟波渺渺江南春鶯鶯不識橫塘路鷓鴣啼向人
青綾誰共官曹宿雪梧雲毫吮晴絲太常春覆碧霞沉六曲屏風對銀燭

游冶城山

瑤草秋深石磴長半空嵐氣濕衣裳江山佳處一亭古風雨來時四座涼
陰洞水腥龍曉背仙宮雲暖麝生香道人好護新松樹長見清陰覆御牀
送人赴安慶幕僚
舒州城在大江邊我昔過之曾繫船年豐米穀上街賤日落魚蝦入市鮮
山起正當官署北潮來直到驛樓前知君此去紅蓮幕民訟無多但晝眠
高陵篇并序

盧君公武所著孫王墓辨考據詳審與蔡正甫燕工墓辨同繼又作詩吊古合古今詩文及和之者叙次辨後成一編以示予可謂好古也矣余雅好論辨古今爲同賦詩一首

道旁鬼錄飛神叢狂客賊我人中龍有兒十七心膽雄意氣奄有江之東
膺然未熄炎精委四海英雄爲時起十年血戰不成功破面安能作天子
盤盤門外野水濱可憐高塚埋麒麟觸骸飲恨尚不朽死骨肯作曹瞞臣
墓旁春草年年碧黃金握臂人明出姓名幸兩人不知却怪中平一方石
君不見吳王帳下越王舞漢王成功楚王崩英雄千載欲何爲盡作北邱
山下土又不見秦王治葬驪山宮玉兔金雁俱成空武皇求仙東海上茂
陵石馬嘶秋風與君下馬高陵路落日高城忽如堵閭閻壞塚在城邊何
須重嘆孫王墓

練通判高

高字伯上新金人王子充敘其詩以爲溫厚而豐麗大江以西能繼范德
機虞伯生揭曼碩而起者也洪武中爲起居注直言忤旨出爲廣德州同
知歷臨江鎮安二府通判子安爲遜國忠臣太宗所謂練子寧者在者也

列朝詩集甲十八

送趙將軍

崆峒一劍倚秋陰誰識將軍百戰心老去功名餘白髮閑來歌舞散黃金
呼鷹大澤風竿勁射虎南山雪羽深敲缺唾壺銀燭短時人不解攏頭吟

送張起潛之柳州

潯水環城擁翠來柳陰府署倚雲開唐祠尙食歌丹荔漢柱銘功篆綠苔
日落雷塘龍霧合虹消桂嶺鳳回南行無雁音書少別思綿綿不易裁

送雲南教授劉後耕

見說思陵過五溪熱雲蒸草瘴天低星聯南極窮朱鳥山抱中流界碧雞
首循照盤官冗冷芭蕉夾道驛程迷纓纓竟德元無外未必文風阻遠黎

楊博士翻

翻字文舉金陵人元末提舉江浙學校楊孟載悼楊文舉博士詩云白髮
蒼髯老奉常亂離終喜得還鄉八分書古追東漢七字詩工到盛唐謫死
已無書滿屋病多惟有藥成囊我慙同姓官聯職宿草西風淚數行

春遊大韻

白日諒難羈流光遽侵尋春風萬餘里觸景愁我心出門將何之高步凌

嘔嗽疊疊丘塚間古木殊陰森昔賢日已遠朱瑟尚遺音千秋百歲後
酒不可斟傷哉雍門語感之淚霑襟榮名安足羨行樂須在今夙興臨
雁嗽嗽尚哀吟

題徐熙桃花鸚鵡圖

海上紅雲日日新碧鸞無夢識芳塵金籠不鎖開鸚鵡占得東風一段春

寄子清叔二首

暖沁香篝宿火溫絳紗紅燭照黃昏自憐不廢千金夜悵底吹笙倒玉尊
梅花亂落雪紛紛兩袖東風酒半醺春月滿堂歌舞散高情渾欲夢梨雲

吳蘇州植

植字子立嚴州人以處士徵授蘇州知州別自號白玉壺善草書

寄張國錄孟兼

昔別意何長重來歲華改沉憂誰與娛懷人遡江海寒衣涉汀洲秋風被
蘭茝日夕零露繁芳馨爲誰采嘉會諒難并良辰詎容符思君如明月夜
夜望光彩

留別張孟兼

列朝詩集甲十八

士

故人昔隱仙華山高卧白雲終日閑我携清都綠玉杖相與嘯傲烟霞間
一朝忽被徵書起姓名直入明光裏清時冠帶圍橋門濟濟橫經臨璧水

坐擁羣比三載餘石室仍紉太史書平生直氣橫秋嶽秉筆一字誅奸諛
邇來峻擢儀曹上千載皇風回指讓要知制作魯諸生元是傳經舊劉向

寒子泉石是生涯白頭受薦來京華相逢共醉金陵市一官却種河陽花
人生離會良可惜已覺形容非昨日馬頭萬點蜀山青回首秦淮烟樹夕

丈夫才氣古所難去去有冠冠莫彈耶箇酒熟寧辭飯飯顚詩成得堪看
憐君最是知予者慷慨高歌起中夜萬令丹砂或可求王喬飛鳥還堪借

他時一笑蓬萊嶺碧桃亂發東風前還將玉管吹明月以雲間紫鳳篇

過南湖戲折藕花

秋日南湖戲采蓮鴛鴦飛上木蘭船一聲白紵知何處無復閒情似少年

徐博士穎

穎字叔良進賢人元季出游京師從學于余廷心楊顯民程以文三公不
遇而歸僑居金陵龍鳳時爲中書典籤太常博士

秋夜和黃典載

遙夜天宇迴開軒坐前楹月華臨水動涼風滿庭生屢借玄景至悟茲座
慮清疎星明玉闕委露漢金莖流序候將邁嘉朋紛遠征微才旅臺彥鳴
珮集玉京文詞資麗澤笙磬感同聲非比江湖客馳心搖懸旌

酬鄒伯謙見寄

白髮蕭疎忝侍儀夔龍青瑣許追隨禁廬晚退仍分直宣室春來屢祝釐
翔鳳遠運雙玉闕流鶯深囀萬年枝老懷寥落將何補空有雲泉入夢思

題山水圖

憶昔灤陽八月歸北風吹雪洒秋衣槍竿嶺上停車望萬木滿瀟落葉飛

上京次貢待制韻三首

海風吹雨度龍沙滿眼金蓮紫菊花日暮笙歌何處起高低穹帳五侯家
蓬萊仙子學長生羣帝朝天絳節迎昨日六龍迴北極雲裾霞佩集東京
竹官宵宵秋風晚芸閣沉沉晝漏稀獨有蒼僧承詔龍紅衣白馬退朝歸

吳副使形

形字文明臨川人從虞集危素舉至正進士除贛州路錄事國初以薦起
拜國子博士同知嚴州吳元年召入南京議即位郊祀儀注金湖廣按察

列朝詩集甲十八

司事改山東超拜北平按察司副使癸丑奉旨還京卒

破口晚泊四首

川路渺無際揚帆迴流波征人嘆遲暮舟子方笑歌去日將夕維舟松
上蘿生嘯微雨歇洲渚落花多

翠壁隱殘照滄洲生夕陰鷗鳥忽飛去幽幽春水深涉險念先訓觀風推

聖心功名覺遲暮蕭蕭二毛侵

日落潭水綠松間聞子規征途一萬里江月每相隨王事有程度人心多

嶮巖周詢庶有濟驅涉不知疲

江烟欽初夕華月入我舟生久風露集微寒侵敝裘戔戔動邊思權歌繁

客愁漸聞滿響急度峽是歸州

戈微士錦

錦字仲京鎮江人洪武初徵士官禮部主事京口志云錦隱居不仕所著

有鳳臺集

桐孫曲

崑山玉軫蒼梧雲膠弦漆水生古春垂楊飛絲小鷺舞海上桃花紅雨

仙人鸞尾掃寒空環珮行烟度湘浦驚猿墜石秋雲裂鏡網珊瑚碎明月
臨中病客看文君鬢影星星半成雪

淩水詞

紅船壓秋綠水蒹葭根香昨夜龍沙月鸞鴛夢薄霜秋柳掃蛾翠生色染

絲黃為報潯陽客行雲不下堂

送陳伯溫教授歸潯陽

廣文金閨身臺城一相見壁素懸青燈花蟲盡書卷

去賈汚陽船挂帆上秋水別路折垂楊歌聲斷腸起

花落烟江口青葙新槽酒索寒辭官資還家奉省壽

春曉詞

鴉啼細柳東方明井上轆轤牽水聲花奴滿堂開翠屏銀燭燒麝香烟輕

西原落落秦川路白馬花鞭幾時去落花昨夜飛成團蝴蝶歸來及春暮

寄劉彥炳

征旆遙分苑路西馬蹄春去弋陽溪相思欲和烏啼曲一拂瑤弦意總迷

題野塘秋景

列朝詩集甲十八

十四

芙蓉秋色滿銀塘白鷺雙飛下晚涼記得采蓮看越女醉騎驕馬映垂楊

來鶴詩贈周玄初

香案靈文一篆通翩翻雲鶴下天風初解蓬島離珠樹又掠銀河過紫宮

六翻舞隨清磬響九臯鳴斷碧雲空欲歸南嶽夫人召回首仙臺夜月中

呂司丞復

復字仲善章貢人丙午秋為國子典膳升太常典簿歷太常丞常充史局

人北平采史

題鄭仲宗還金華

都門盛冠蓋乃與行者別行者來復還使我心哽咽人爾棹聲遲酒既驪

歌徹綠柳陰正圓相看不忍別

題方壺蒼山秋意圖

青巒華蓋仙人掌萬壑芙蓉紫翠生猶記月明聞鐵笛人間無處著秋聲

曹員外諠

諠字漢生天台人禮部員外郎

洪武人鍾秀樓詩樓在四明東湖上

百尺樓居聳碧霄天開圖畫足逍遙一帆春雨來湖上
夜坐翻經香欲冷詩成倚柱酒微消東還擬遂登臨與爾愧無才起早朝

送人從役
沅湘南去遠古成楚雲邊山雨蟲蛇出江天蟬螻相相思知後夜重會更
何年喜得風濤靜官船任晝眠

蕭學錄執
執字子所廬陵人洪武庚戌鄉薦授國子學錄以親老乞歸廬墓三年免
喪領邑教學者宗之

劉子高贈王明善依韻以和
匡廬之山瀑布泉老子結社來何年林間經罷常隨鹿雲外樵歸或遇仙
坐石有時巾挂樹焚香終日袖携烟市南別有秋江水種得花開總是蓮
綠筠軒為姚宰作

綠筠陰陰翳牕戶此是姚侯讀書處搖空翡翠晚晚宜入食實鸞鳳晚相語
稚子牽衣惜春露候卒編籬護秋雨何當便棄人間事抱琴走覓湖山住
次答劉汝弼見寄之什時汝弼客德慶侯第

列朝詩集甲十八 五

春事今餘幾花枝已不多向人愁作客思爾積成病威鳳翔高漢慈烏戀
舊巢平津東閣好早晚定相過

王敬中
敬中字同四明人

南湖齋居寄友人

山寒夜遠青綾被海日朝明白玉珂隱几不知春色晚停杯驚見落花多
旃檀香裏來僧梵楊柳橋邊起棹歌咫尺湖光不相見竹床琴調近如何
贈周玄初尊師

玄都道士身如鶴長傍青松寄此生夢破九霄風雨急神游八表雪霜清
瓊笙每應秋聲起綉羽微連夜色明我欲相從拾瑤草漫山落葉斷人行
吳去疾

去疾字同安慶人

春日雨中示友人

二月已過三月臨茅堂寂寥常雨陰梅花白自落已盡楊柳青青渾未深
何日新晴出山郭及時行樂稱春心應須載酒窮幽賞爛醉扶肩過竹林

酬李卿

李卿好客天下無日日相過惟潤徒眼花耳熱不復醉瓶罄樽空還復歸
去年解后留君第七日疎狂淹客途近有新詞來寄我洒然清興滿江湖

周子諒

子諒字同廬陵人主事

讀子書作

學館坐無事故書聊復看披文既著最尋義亦泮渙趨前後已過顧舊新
輒驚萬言雖畢陳一理竟未貫往往未終卷心目已潰亂置書欲視聽境
地甚澄易易書詩春秋辭簡義亦煥明書言五千隱約可徐玩奈何百家
言磊磊疊疊幾案綿延比葛藟根遠益纏絆遂令吟名士暮放如習幻雕刊
出葩卉綴緝呈組纂悅目效女美飲口匪芻豢推以合身心宜若霄壤判
吾欲盡其文掇取歸爐炭觀心勝觀書硯硯坐夜且濯穢來清澄磨昏出
堯舜綿綿春雲舒烟烟秋月燭詠歌成文章昭倬比雲漢往者子弗及來
者子何憚作詩示朋曹無乃駭童叟
贈別郭元達

列朝詩集甲十八 六

黃鶴乘天風飄飄忽高翔飛集林鳥刷羽情內傷豈無愛霄志六翮不
得長念子平生意相送以徬徨勿言易為別明發各一方悲來解佩劍為
子復進錫且為辭子歌歌詞何慨慷慨疾風吹征帆旭日在衣裳自古有離
別各言慎行藏

白紵詞

井梧墜葉聲如雨輕轆轤夜靜莎難語西里佳人怨薄寒惆悵燈前歌白紵
白紵新時白若霜象床開合秋水光製成只恐香塵汚衣著偏宜九夏涼
西風乍入羅幃裏數點清塵不禁洗洗開簾箭試新就舊服拋捐那復理
嗟爾白紵怨勿深憐新棄舊他人人心願將貞白永相保今年卷却明年討

程德興國儒

國儒字邦民徽州人寓居鄱陽至正十九年任衢州路都事天兵破衢城
被執過新安賦詩以自誓至京不屈安置天界寺以條自經為僕夫覺免無
何聞子仲鏡喪哭曰鏡先二親嗚呼天其奪子志乎數月召授內省都事
歲餘除洪都太守其年政成坐事被繫因述平生出處自盡民撫屍而哭
者接踵附葬徐孺子墓側祠于東湖書院有雪屋文集

越城謠

越州城何高四十五里之周遭窪地填爲基股陀鑿成壕白晝觀音夜
擊磬石民之骨灰民膏越城雖高越民勞越民勞未已我思耒耜又科米忙忙
築城歸種禾又恐無米供官科禾苗未青得秋雨城吏打門夜如虎爲言
雨後新城推要我荷鉤城上來城泥不乾不敢回又恐夜半聞春雷城頭
一雨城一動越民登城向天慟民心似與雨有誓天意實謂城無用當年
當年天下平天下無賊越無城乃知在德不在兵願無修城願修德使民
復覩無城日

信州糧謠

信州糧糧何艱十鍾一石萬里間朝發錢王隄暮過嚴子灘舵尾白浪如
銀山朝波蘭溪州暮泊龍丘灣峻如牽車上鬼關督吏持檄夜如箭布帆
無風河水乾去年糧船未及岸今年又運八百萬只知彼地荒不知浙東
天亦早只知彼地饑不知役戶家無飯家無飯饑莫愁願化鐵騎爲耕牛
願銷鋒鏑爲鋤耨戰場闢作畝與溝壯士負戈荷甲歸西嚳風雨時調禾
黍秋禾黍不秋飯不足浙東又移何郡粟

列朝詩集甲十八

次樂秉德韻

易心世事淚潸潸已付餘生作等閒燕乳尚能持漢節雞鳴那得出秦關
黃花時候多新酒綠樹門庭是故山日夜思親頭盡白何人爲賦大刀環

甘瑱

瑱字彥初餘干人元末張承旨翁僑居雲錦山中與彥初及張可立甘克
敬往返甚數評彥初詩如美女簪花可立如貞婦守節彥初入國朝爲嚴
州府同知或云翰林待制皆未詳也或云臨川人

寓舍偶題

四海戎麾滿中原汗馬疲龍蛇傷紀歲麟鳳嘆非時土貢包茅廢邊防羽
檄馳杜陵憂國念釋悶強裁詩

題何梅閣山居

迹不到城市逢人無厚顏一瓢風外樹雙屐雨中中山流水春喧喧歸雲暮
掩關憂時心未已抵益鬚毛斑

題高伯昌遠遊卷

九月朔方城河流已涸凝覆車馳犯雪乳旋飲兼冰汗血宛西馬奇毛代

北虜良材資國用翹首即飛騰

題張氏竹園別業

避難疎狂客長貧少定居林芝空有曲種樹草無書擬製東山屐看馳下
澤車肯容疎懶迹來與狎樵漁

送防秋將

王帳秋風動邊塵颯颯驚射鵬輕漢將牧馬過秦城白草交河道清霜捕
虜營戰裝宜即換已及早寒生

秋閨怨

惆悵下簾鉤庭空月影流錦衾成獨旦羅扇覺先秋火熟薰籠煖泉寒汲
綆脩祗憐雲際雁傳得玉關愁

公孫

躍馬公孫氏荆湖舊拓疆南書鄉好絕陸載雷圖荒城堪迷秋草樓船散
夕陽龍文成五采終古在芒碭

贈人戍襄陽

漢水荒城外頻年汗馬揚舟車通饋餉部曲雜耕桑幕府文書暇烽樓警
邏長山公有愛將日醉習池旁

列朝詩集甲十八

梅溪宿徐橘隱者寓舍別後寄謝

不見故人久吟愁入鬢絲試呼村舍釀細論草堂詩夜雨西窗燭春風別
墅棋滄州如有約歲晚共襟期

龍虎沖虛張真人遊仙詩二首

世業神明裔朝家禮秩優祝釐宣室夜賜曲鑑湖秋海月虛席席天風颯
玉虬谷神應不死獨與化爲謀

點觀玄組運乘彼白雲歸廣野悲張樂青山笑拂衣玉棺天上葬神劍十

間飛主組褒崇舊宜看奕葉輝

讀靖康遺事

杜鵑啼老洛城東烽火郊畿縱大戎廟略合收肥水捷虜盟誰定渭橋功
銅駝故陌迷芳草黃屋驚塵捲朔風一自鼎湖龍去後小臣何地泣遺弓

讀史有感二首

二龍振望杏東游弓劍蒼茫滿地愁青草空遺雙塚月彩雲已散六宮秋
長江落日忠臣恨易水寒風壯士羞楚漢興亡俱一夢當時何用割鴻溝

汴流西繞漢時宮陵蕭蕭易朔風金盃不水銀雁去劉仙無露玉盤空
御清流水人間碧禁苑蟠桃海上紅却憶晉家南渡客清談不記誤和戎

讀文丞相傳

萬里胡天泣楚冠南雲歸計路漫漫尚圖一旅興王易不念孤兒立國難
樓櫓海門西日暗鉤歌江介朔風寒九原負痛遺編在朔雪殘燈掩淚看

題余忠宣公請援兵書卷後

大將分符自朔庭出師江漢蕭南征賀蘭不敵睢陽厄無忌難收鄴下兵
唇齒百年誰復恤簡書千里漫多情西風一劍英雄淚已逐寒江日夜聲

錢塘懷古二首

落木驚波入虜塵新亭空集北來人神州未復英雄老主業偏安曆數屯
萬騎星屯潮捲夕六宮雲散草生春百年江左偷安計泉下惟應泣老臣

水南晚眺

咸洛腥羶幾百州中原誰切祖生憂秦關壁使星馳夕漢苑銅仙露泣秋
萬死奸諛和虞計百年臣子戴天營欲從故老詢遺事斗酒難澆磊砢愁

水南晚眺

山風蕭蕭羣木落寒日黯黯孤猿啼江雲欲雨復不雨野鳥將栖還未栖

歸人入夜望烟火行子傷秋聞鼓聲水南山川遠城市政好買地躬耕犁

閑居感舊二首

四牡橫奔駭者誰委啣無乃昧先幾廉頗不念私讐後商鞅纔知首法非
漢業幾年專仗鉞楚歌中夜竟沾衣可憐日晏蓬萊殿目斷南雲素凱歸

待詔金門擁佩珂南征殊賜治謳歌亦知江總蒙恩數每愧楊雄識字多
頭白一官今自老汗青千載竟誰磨可憐夢裏釣天曲回首蓬萊奈爾何

過龍虎山

素書一束展經綸世業留侯異等倫紫府羣仙天上籍碧桃流水洞中春
吹簫鳳女臺雷風送酒麻姑脯劈麟看取步虛朝帝帝夜闌飛佩近星辰

遊龍虎山

流水灣迴路百盤化人樓閣倚清寒枕中鴻寶長生錄屋外玄都太古壇
金鼎有丹先試大玉簫無曲不吹鸞麻姑未老秋霜鬢幾見扶桑海未乾

社日

楓樹林邊雨脚斜兒童祈賽竟諠譁雞豚上戊家家酒鷺燕東風處處花
野逕歸時扶醉客囊祠祭罷集神鴉鵲湖生意傷多潦預祝汗邪載滿車

寄馬彥會

百戰孤城血未乾故人書札報平安秋風代馬思燕草夜月湘歌怨澧蘭
萬里江湖仍旅食百年天地自儒冠山陰更有誅茅地仗劍休辭行路難

高子勉病起移家

四郊無警被霖霖水頭舊是家愛客屢懸高士榻開荒寧種故侯瓜
酒邊病減知弓影燈下歌長拂劍花間却陣圖雲鳥看山隨處岸鳥紗

寄張可立

旅泊他鄉有歲年南塘水竹卜居偏得錢日閉君平肆載酒秋尋賀監船
葭葦近通門底巷荆榛連帶郭西田東歸亦有尊鱸興橋首滄浪若箇邊

題洞泉觀

流水橫橋小洞門亂來遺跡暗消魂沉舊井龍湫廢碑斷陰崖鶴家存
落日樵蘇蘇古道西風禾黍入孤村扶桑海水今清淺應待麻姑爲細論

西師

中興實藉羣公力反正終歸萬姓心雲雨銅標蠻傲關山河鐵券漢恩深
明珠翡翠殊方入天馬葡萄遠使臨北極卽瞻佳麗氣南雪足聽凱歌音

春日登高有懷

風景蒼茫大野陰懷鄉倦客此登臨十年魚雁將家遠三月鶯花減淚深
天落湖山雲水散地連閩粵瘴烟侵躬耕却憶窮廬更梁甫栖栖日暮吟

清明

輕寒天氣半晴時曉麥畦桑綠漸肥誰與試烟傳蟬蟬且謀沽酒典春衣
東風門巷桐花落流水池塘燕子飛吟罷不堪搔短髮杜鵑愁解促春歸

寄張雪坡

南塘水竹舊鄉鄰老去青山目力微吟瘦定知衣帶緩別多兼恨簡書稀
畦桑葉短初出隴麥苗深雉正飛香老松花春又過莫令情分久相違

贈地理者

囊中一卷郭氏書眼底山川與不孤兩秋風塵誰故舊一節烟雨自江湖
銅駝陌上人長笑金粟垠前鳥自呼見說五陵佳麗氣天荒地老不能蕪

雨中書懷

南窓坐掩讀書落盡梨花雨點疎短夢或因中酒後輕寒已過禁烟餘
芹香墮几初歸燕燕脉通池欲上魚撥首故人懷別久欲憑尺素問何如

讀余廷心傳

海風吹浪集樓船百戰疲兵僅數千但許有身堪報國豈知無力可回天
幽燕北望王師遠江漢南來地勢偏天塹已空豪傑沒朔雲邊雪事茫然
次張文學韻寄徐貢士

畫角城頭曲未終十年哀怨萬方同黍離正恨傷周切章甫翻憐趙越窮
黃葉空山僧舍雨滄浪衰鬢釣絲風閑愁欲遣三千斛濁酒寧辭一百筒
長沙夾夜泊

漢堤蒹葭斷浦連峰亭亭鼓報更傳迴風吹樹纓初繫斜月照蓬人未眠
雁足寄書懷歲晏盤餐新酒及霜前滄茫遠浦寒燈外尚有漁郎夜扣舷
登擬峴臺

高臺俯仰大江馳南盡闕閭樹影微白草秋煙遠戰骨青天寒照落人衣
襄陽舊心如昨華表仙翁事即非東望故園三百里不堪搔首片雲飛
張嘉定率

率字孟猶廣信人元季江右以詩名者若張仲舉黃君瑞危大樸率皆頤
頤其間吳元年徵知嘉定州秋滿以老賜還杜門教授遺詩有張嘉定集

列朝詩集申十人

王

會周檢校

衡茅晚計卜溪南水石幽奇得縱探詩社付還青玉案仙經借送紫泥函
漁邨過雨行林霽龍洞開雲生晚嵐種橘垂成陸已老煩君多致洞庭柑
錢塘懷古

南渡諸陵玉押灰錢塘孤塔是幽臺石麟久向雲根沒金雁何曾海上回
掘漢赤眉因世亂賓周白馬自天來沛中王氣非陵寢徒使遺民過客哀
兵後次衡州

高壁深池表裏寬危樓飛閣水雲寒三年血戰曾漂杵兩將身降惜蓋棺
桑土盡如東郡賦橘林猶帶洞庭酸羣雄散似柯山笑閑與樵夫縮手看
乙巳元日

四門擊柝罷寒更淮水淮山欲曙城柝子添香延宿火梅花吹雨送春聲
大星賓日光芒定殘雪兼霜物候明故國親朋俱獻歲異鄉魚鳥獨關情
揭清河軌

軌字孟川人王安公侯斯之後洪武初以明經舉除清河主簿升知
縣謝歸教授生徒嘗主江西鄉試召定書傳會選

夏日雷田家

停午暫休騎道賜投田家風林帶暝委高樹啼鴉田翁喜客至為摘園
中瓜解餽藉莓苔移席掃落花相留至夜分燭月石林料相如方渴歸
路茂陰餘

秋日汴京同馬希穆登上方琉璃塔

東出榛莽間宮城何窈窕悲涼金故都秋日荒臺沼浮屠出苑上跨清
虛表琉璃半莓苔五色猶皎皎皎皎思恩跌落花飈後却飛鳥見倚戶陰海
色當曉曉珮聲河漢落庭前天香繞野夫方畱滯萬桑何時去去漢春已
深游梁秋又抄登高慨搖落令我憂心悄飄飄茂陵客高興秋天香綵毫
不勝寒仙露知多少落日望江南一點青山小
東征二首

束髮結豪俊客遊在京師風塵一浩蕩志欲效馳驅身許孫討逆氣凌李
輕車一朝不自保空愧為文夫家鄉既蕩盡焉用獨全軀流光信冉冉撫
髀將何如

郊野積玄陰白日忽淪沒驚風西北來虜騎何馳突悲君貞白麥永訣在

列朝詩集申十人

王

倉卒玉顏膏野草何處收汝骨恩愛豈不懷貞烈誰能越蕭條風塵日記
載多所闕曷以照君心惟應城上月
甲辰三月歸西村

官舍柳花飛羈人謝病歸干戈未定息俎豆焉可為以茲理還策歸卧南

山睡東臯花雨過流水綠生陂聒聒青蛙響嚶嚶黃鳥啼到家能幾何又
告將農時山田與弟耕春酒任婦携追遙田野間日暮返柴扉龐公鹿門
志劉表安能移

裴亭春晚

昨日花始開今日花已滿倚樹聽嚶嚶折花歌纂纂美人浩無期青春忽
已晚寫盡錦箋長燒殘紅燭短日夕望江南綵雲天際遠

題王金吾所藏徐熙秋荷鴛鴦翡翠圖

江南畫史誰第一徐熙寫生妙無敵實軸多藏衛霍家香奩證貯金張室
憶昨華清水殿西夜深輕輦隨風移清香冉冉落歌佩秀色娟娟侵舞衣
曉來宮闕秋風起翠倒紅欹玉池裏不禁搖落恨無窮驚嘆年華逝流水
芙蓉小苑曲江頭烟景蕭疎異昔遊披香露冷鴛鴦怯大液波寒翡翠愁

將軍留客多幽暇清簾疎簾時看畫就中宋玉最多情秋思都將綠

白沙送別

當年小邑盛繁華臺榭層臺天白沙竹深時聽尚書履花密頻過相國家
夜月霜明九華帳春風雪點七香車臨水佳人拾翠羽隔簾嬌燕逐飛花
奄忽駐馬立西風落日寒烟起漁唱

題孫氏遺墨軒

宣文學士吾季父草書往往追懷素玉堂多暇日臨池方駕長沙美無度
開道尊公居豫章亦以能書相頌頌錦囊長紙霜玉潔清時時臨數
雲霄恍若驚鳳翥風雨欲起蛟龍驤宣文已矣君未老一字可直黃金瑤
山陰別後驚指館零落狸毫弁象管白鶴池冷綠苔深銅雀硯寒清露滿
吾處兵後住江村玉堂佳帖無一存却憶君家文獻在香奩犀軸付諸昆

題大長公主林館

主家林館御溝西楊柳芙蓉吹舞衣玉沼萍開魚上躍繡簾花妥燕低飛
微風翠簾宮中去淡月霓旌苑外歸四海昇平當此日萬年行樂莫相違

列朝詩集申十

春陰

梨花門巷泥活活楊柳隱尸綠陰陰軒車不來又幾日風雨相思勞寸心
舒州紅稻宜晚飯采石碧酒堪幽尋故人何可久不見我有新詩思共吟

過燕都故宮

八月金輿度玉關芙蓉零落後庭開西宮無復羊車過南苑猶疑鳳吹還
承露金盤留海上廣寒瓊戶瑣人間翠華此日知何在黃葉蕭蕭萬歲山

晚歸

苑外金波映水天歸驄蹀躞暮江邊風塵關初含雨燕予人家又禁烟
詩寫桃花歌扇裏酒携楊柳舞樓前請看秋兩鴈脂井好醉春風玳瑁筵

秋思

綺窓紅燭淡秋光風帳流蘇滅夕香機杼隔花閒翠戶曉鐘臨水凍銀床
秋風紫塞書千里夜月清砧淚數行望斷金鞍秋又杪芙蓉零落玉池霜

宴南市樓二首

帝城歌舞樂繁華四海清平正一家龍虎關河環錦繡鳳凰樓閣麗烟花
金錢錫宴恩榮異玉殿傳宣禮數加冠蓋登臨皆善賦歌詞只許仲宣誇

詔出金錢錢送酒爐綺樓勝會集文儒江頭魚藻新開宴苑外鶯花又賜醑
趙女酒酣歌扇濕燕姬香染舞裙紅綺綉遙莫道知音少司馬能琴絕代無
嗔諍語日國初於金陵聚寶門外建輕烟淡粉樓新翠十四樓以聚四
方賓客觀場玉同詩可知國初禮制宴集皆用官妓與唐宋不異後始有
梨耳承樂中詩會殿元夕詩花月春風十四樓今蕭條皆廢南市樓尚在

周經歷啓

啓字孟啓廣信貴溪人洪武十三年以文學薦授太常司贊禮郎二十一
年遷後軍都督府經歷歷奏給其官禮誤批上有覆奏改正近侍給以坐侵
欺欺曰吾耳聾誤聽何侵欺耶及夜闔門自經死啓少從鄉先生張孟循
夏柏承學古文以才見稱有詩曰詠萊稿

中都龍興寺伏祝御書第一山三大字碑有作

九重宸翰麗天文三字穹碑壓厚坤山色不知今古異地靈惟戴帝王尊
蛟龍絕巖盤亭構象諸天拱寺門千載鍾王誇健筆敢同義畫與時論
蜀王殿下守中都奉饒志喜

列朝詩集申十

萬年淮土國陵重千里岷山道路長思龍自天隨福履早開憑賦詠豪梁

劉知州秋

秩字伯序豐城人從安成李廉學春秋有名吳元年授典籤除檢閱出爲
武安州同知未行改知崇明州奏免租課民立祠以祀之未幾提點鹽法
發其奸被誣下獄幼子孫孫年十二詣闕訟冤上白其事斬誣者竟棄官
歸事在危素獄記

冬日即事

縣邑干戈後城空景寂寥山寒雪曠雪江晚月通潮壯士征衫薄將軍戰
馬騎只今邊境上誰是霍嫖姚

裁衣行

裁衣須裁短短衣短衣上馬輕如飛縫袖須縫窄窄袖袖窄彎弓不礙肘
短衣窄袖樣時新殷勤寄與從軍人願郎着衣便弓馬破敵長驅古城下
明年佩印披紫綬裁衣不比從軍時

秣陵懷古三首

別家楊柳正依依回首西風木葉飛鄉夢已隨雲北散客心先逐雁南歸

三秋邊境仍烽火九月征衫尚綰衣莫向窮途歎牢落料應青眼故人稀
秣陵風物近如何兵後登臨感慨多雲淨石頭秋嶂出月明淮口莫刺過
離人暗滴青衫淚商女空懷玉樹歌忽憶舊時驄馬客今日髮老山阿
酣酒狂歌思欲飄久從江國駐蘭橈芙蓉隔浦聽秋雨楊柳長亭有晚潮
過客有時來問字美人何處覓吹簫題詩欲寫殷勤意搔首西風雁影遙

元宜

宜字伯常人

題鐵柱

湖上波濤一劍空冶金甌取鎮龍宮八方靈索懸坤軸萬古標定劫風
不用斷絳扶四極誰令鑄鼎象羣凶登真米了神仙事累代方知濟世功

遊龍翔寺

飛橋北上轉光風窈窕雲接故宮麟趾不來行殿廢龍光還在御牀空
岩廊萬象丹青令閣諸天錦繡同幾度殘鐘敲落日老僧猶泣鼎湖弓

危進

進字伯明人

列朝詩集甲十八

五

謝許鍊師惠圖書

茅山許史舊諸孫還向仙臺卧白雲竹外畫沙迷鶴跡花間引水泛鵝羣
蒼崖翠刻金書字丹井銀牀玉篆文科斗早收東觀上幾人相倚掃清芬

題饒孟持所藏趙希遠畫洛宮圖

暮盡欄園響屧廊流蘇帳幔鬱金堂玉龍刺注千鍾酒金鴨濃熏百和香
院宇鳴秋霜葉赤軒窓破曉露花黃舊時行樂今看畫烟月蘆汀雁幾行

送人之七閩憲副

七閩風景異江鄉嶺微緣雲去路長綠漲蠻溪怪葉暗紅蒸海日荔枝香
花間彈舌調鸚鵡月下吹簫引鳳凰行樂未終淹壯志輶車行處起秋霜

吳世忠

世忠字彥貞人洪武中應薦舉

追昔

玉輦曾聞天上過千官扈從駐深河萬方喜見車書混四海寧知戰伐多
杳杳歸心隨白雁蕭蕭殘照落滄波春風麥秀愁難盡回首悲歌可奈何
過張魯公祠

遺廟荒涼古木稠孤忠千載思悠悠頻摧北虜三千士獨障南藩百二州
落日旌旗迷大澤屯雲劍戟枕長流當年玉輦西還日勦業誰將汗簡收
春江花月夜

翠華巡幸駐離宮錦纜龍舟萬乘東銀燭香浮仙體綠金堤花簇御筵紅
遙遙蕭鼓來天上泥濛旌旗在月中回首可憐春殿隔如花宮女泣東風
朱弘祖

弘祖字彥昌臨川人東皐耕叟詩八卷饒侶仲恭為序曾為都稅大使

送御史大夫鄧公西征

今代麒麟第一功從龍飛渡大江東彤弓錫寵專征伐鐵券銘勳誓始終
龍虎親軍遙動地鳳凰臺閣遠生風不知幙下誰參佐珠履三千盡石洪
環溪亭

一曲清江抱曲欄入窗如在落星灣紅塵隔斷花香外白鳥飛來鏡影間
蛸蛸舊藏書帙淨蜻蛚長立釣絲間何由動我山陰興却棹扁舟雪夜還
徐守約

徐守約

守約字

列朝詩集甲十八

五

戎王出獵圖

九月遼陽草正黃天山飛兔白如霜曉騰已合三軍勢猛銳猶思百戰場
金鼎割鮮供上將玉酥和血飯名王燕支小隊穿虛出也向天邊獵雁行
秋望

挾書遊子不還鄉獨上高城望大荒西北窮陰連莽蒼東南巨浸接微茫
三分世運徵庸少八月風沙草木黃欲獻封章何處是五雲宮闕近扶桑
孫舍人同文

同文字 臨川人洪武中進士為翰林侍讀尋改中書舍人 太宗靖
難入京師方盛暑以迎駕喝死後五日子大年乃生

退朝口號二首

清切絲綸閣逶迤錦繡城冠裳清旦入珂珮玉墀行芍藥春風軟薔薇曉
露盈退朝揮翰處同聽上林鶯

鐘鼓通殘宵千官趁早朝雲間中侍扇日映上公貂調燮多臣稷欽明有
帝堯萬方咸貢獻四海足權謠
高伯均

伯恂字

奇施以端

桃花點點山中雨楊柳青青水面綠春色惱人牽別恨錦箋乘興寫相思
小窓鸚鵡呼春夢芳樹提壺促醉期惆悵百年今已半花前時復玉樽隨

汪德

字叔達婺源人號東湖先生

續催送日鼓謠 謝侍郎崖山作催送日鼓謠文丞相爲書

裴裴晨鼓催日注東方白日華欲動月無輝殺氣冲天雲血色坎坎暮鼓
擊日沒崦嵫黑朔風吹海毒波翻旄頭錯落光芒出日復夜復日日夜
相催鼓聲急枕戈不寐食忘餐力不能支仰天泣主辱臣死古義存弟妹
飄零敢忘恤整旗收隊決雌雄黃龍就遺橫江中風雷晝晦天地變君臣
不見崖山空至今濤聲吼朝夕半爲猿鶴半沙蟲當時豪傑能幾子千載
不泯惟孤忠催日鼓送日鼓調短意長歌愈苦故人聞得淚成珠躑躅白
鷗驚望浦侍郎丞相家國同當時戮力無爾汝補天煉石竟無功空餘五
色神光吐斯人斯作世豈多合入青編照今古

列朝詩集甲十八

主

吳主簿斌

斌字輶中休寧人平陽縣主簿

北遊

青山千里來龍奔出平野逶迤作都城黃河走其下借問宿遷人在昔何
爲者云此生重瞳虎關天所假自矜蓋世心坑秦霸區夏鴻門逸真龍鳥
江陷驢馬至今哀怨聲暗鳴海中瀉

顏山歌

欲爲紫霞霞遂作丹霄遊顏山秀拔五千仞况于絕頂凌飛樓長風吹目
空四海但見天地如虛舟龍爭虎鬬血中野安知此境長悠悠顏山之勢
何壯哉飄如雲龍上天來蟠根走脉極九垓千巖萬壑相索迴龍池蛟雪
天鏡開氣蒸六合作飛雨五月下界驚雲雷顏公一去不復迴空有仙跡
迷蒼苔憑崖鑿翠構珠殿金仙跌坐蓮花臺雄標勝境掩五嶽胡乃僻處
東南隅後來觀者登崔嵬超然頓覺辭紅埃平明攀天望海色寬若萬里歛
澗之金杯此中昔有芸香客一朝矯翼騰三台我今苦被風塵留欲待長
等人間掃三花含煙笑人老青松垂陰得春好功名感此不復求便欲巢

雲拾瑤草終當羽化隨青童難爲鳳凰犬爲龍青天碧海長相從回頭試
問世間士茫茫盡入三泉中

續催日鼓謠

胡爲乎六龍針飛于若木之金天復沈淪于西溟頽洞之重淵日車摧頽
勢將墮但聞驚天伐鼓砰轟喧闐恨無魯陽所揮之神戈又無羲和所執
之神鞭徒看光景入海去惟有雪山千疊春雷喧日已溺誰能援似將宇
宙入冥昧魑魅泣兩神啼煙煙兩暮何由晨肆鬼怪愁天人有美二子起
凡倫凝眸泣血驚茫莫欲攀天上萬丈之玉繩攬此波中咫尺之金輪力
不及情難伸歌日鼓悲無垠空有蛟龍之翰麟鸞之文照耀今古誠足珍
心比衛精誰復陳至今陰氣毒天地幾時六合迴陽春吾聞東方乃有扶
桑之君陽谷之神可以返日馭昇天門過黃道御紫宸安得迴光洞照下
土之盲人神君精感應相隣忽爾金雞啼白東海天朱光飛射開幽玄鼓
聲驚倒三山巔白日曙青陽生出河嶼游天京四方咸觀曉色清麟胎鳳
雛含精英聖皇欽天建太平作詔武爲篇笙管若日鼓騰天聲乾坤上下
俱清寧億年萬世同光明

列朝詩集甲十八

主

青州歌

青州高城雄九州城門天上飛瓊樓羽林兵衛若熊虎劍戟耀日寒光浮
迢迢紫陌香塵起車馬爭馳迅流水飛甍萬井碧鱗鱗綠樹連陰柳營裏
嵯峨城闕帝子宮天人遙鎮滄海東海波鏡淨寂不動鯨鯢不敢揚天風
樓上銀壺漏初歇盡角龍吟泣霜月寒聲蕭蕭落梅花吹作征人鬢中雪
量田謠

朱判官模

朝暈水田雪暮暈山田月青山白水人如雲朝暮暈田幾時歌尺田寸地
須盡量絲毫增入母畱藏時暘時雨吹時康我民欲報心未末年增賦輸
太倉但願山積無疆安得長風天外起吹倒崑崙填海水更出桑田千萬里

模字子範休寧人用薦主縣之來安簿改六安州判官兵亂遇害

送張總管赴番陽

近聞使節向番陽已報前軍到武昌好過黃州問蘇老曾遊赤壁吊周瑜
一時人物皆陳迹三國英雄此戰場舉酒煩君醉江月匡廬秋色晚蒼蒼
六安山中

五十蹉跎六十翁暫拋筆硯領兵戎臨邊收盡逃亡卒馬上能開一石弓

唐山長仲實

仲實名桂芳一名仲以字行歙縣人甫十歲從學古澠洪潛夫日記數千言及從平江龔子敬游聘為明道書院司訓選儒學學正戊戌歲太祖駐蹕徽州延訪儒碩名對稱旨賜尊酒東帛事載五倫書命之仕以替廢辭攝紫陽書院山長學者稱白雲先主子子儀亦以文學徵父子皆有集行世

聞吳繼新寫正覽畢作詩迎之

吳郎久不見悵望隔江村辛苦頭將白編摩眼易昏焦心含雨潤柿葉額霜繁習永睦諸後義之本一門未應梁上得偏何枕中存點磔臨池黑戈波屋漏痕紫綵蛛結網晨憂蠶絲盆白練書裙好黃麻草詔尊首濡無醉呢筆諫有忠魂安得三千幅煩君恣意繕

遺懷

繁昌縣前白楊樹隨處柴門傍水開可是夜深風露冷流螢一箇度江來

程仲庸遊京口雷金山寺

列朝詩集甲十八

七

我正無心嬾似雲那堪奔走污緇塵飛花岸柳偏留客吹浪江豚忽拜人玉帶暫拋煩轉語傍伽會寫悟前身異時好說金山寺小小漁舟喚渡頻

任萬戶原

原字本初休寧人父魏築精舍於富川之上延祁門汪克寬授春秋又從學于東山趙汾天兵下徽州原出佐軍實從捍禦歷功至顯武將軍雄峰翼管萬戶弟序代之序字本立少與原同學兄弟並有集行世

見鄉人程大

少年策馬解鄉邑落魄天涯幾秋色感地昨遇故鄉人不道姓名應不識布衣拂却長安塵相看感嘆念情親青春作客無遠近白髮從軍多苦辛以茲失路誰相顧我向東流子南去歸夢不離滄海雲邊愁遠往青楓樹楓樹叢林隔海天百年聚散一茫然管樓故舊應誰在萍梗江湖祇自憐臨岐執執須傾倒明朝又別關山道心隨征雁向斜陽愁對離憂醉芳草送舒從事還南海

老遂離別倍傷情一騎臨秋復遠行客路驚心孤雁影家林入夢斷猿聲珠崖日落天低海銅柱雲寒雨過城翻憶舊遊多感慨獨嗟苦劒誤儒生

贈同舟從軍林生

青天無盡碧波長百尺雲帆掛夕陽海路音書何處寄西風吹雁不成行

馬知事賁

賁字本道山陰人早歲辟府從事不就銳志讀書詩聲尤著洪武間任漢中衛經歷還郢州府知事

鴛鴦歌為張節婦賦

翠屏羅薦沈香樓紫金鴛鴦居上頭雙飛誓作不死匹萬古願同歌莫愁樓前長掛團圓月誰道能圓又能缺可憐交頸復同心一夜秋風兩離別榮更子落芙蓉老雲鬢蛾眉斷梳梳不持灰死百煉心化作人間雪衣鳥萬年莫鑄龍泉千年莫裁並頭並鳥飛在地長自潔月缺在天長不圓

淮東女兒歌

淮東女兒飲淮水銅紅纏頭金約指正年十四五多彎彎春山關青蛾阿爺自擬傾城色黃金不多終不嫁西江估客浮大船年年賣珠淮水邊女兒門前有高樹野鴛鴦沙難得長伴當定難罷結重權百斛珍珠瀉秋露船空珠盡河水秋門前馬嘶金絡頭客不盡新客舊淮東女兒起高樓

列朝詩集甲十八

七

谷宏

宏字 閩人一云新淦人中書舍人

行經華陰

雲開太華倚三峯積翠遙連渭水東遠塞雁聲寒雨外離宮草色暮烟中秦關日落行人少漢時天陰古戍空寂寂武皇巡幸處祠前木葉起秋風

登岳陽望洞庭

對酒平臨百尺闌洞庭南望楚天寬中流雨散君山出故國風高夢澤寒帆掛夕陽鵬際沒波涵遙月鏡中看登臨最易輕軒冕惆悵滄浪美釣竿

吳浩

浩字

泊瓜洲渡

淮煙漠漠夕陽收楚樹昏昏客舟風度鐘聲來北固帆將燈影過揚州雲消碧海天無際波撼金山地欲浮獨恨壯遊非昔日滿江風露夜如秋

閻宇

章閣人